

fera pas hors de remede, puisque tous les pechez s'effacent, & qu'on nous dit qu'il y a dans le Ciel plus de pecheurs que d'innocens. Mes camarades, leur dit-il, ie ne crains pas les hommes ny les François, mais l'œil d'un Dieu qui penetre & vos consciences & la mienne, & qui condamneroit ma faute quand bien toute la terre m'en loüeroit, l'esperance que nos pechez foiēt effacez se doit auoir après qu'ils font commis, mais non pas nous les faire commettre, si vous ne voulez excuser de folie celuy qui sous l'esperance de guarir d'une playe mortelle se mettroit le cousteau dans le sein. Cependant la chaleur redouble, il se voit au milieu d'un amas de pierres toutes rouges de feu & de charbons qui s'enflamment de plus en plus, & ne peut pas se remuer s'il ne veut marcher sur les braises. Mes camarades, leur dit-il, le cœur me manque, mais non pas le courage, i'estouffe icy & ne puis respirer, mais sçachez que quelque violence qu'on m'apporte, iamais ie ne plieray à vos desirs. Là dessus celuy qui l'auoit inuité change [60] de ton, & prend celuy de la colere, vomit mille blasphemes contre Dieu, maudit la Foy & les croyans, renonce à l'amitié qu'ils auoient depuis leur ieu nesse; mais plus il entre en rage plus il voit qu'un courage vrayement Chrestien n'a de crainte que pour le peché. Enfin les autres Infideles se rangent du costé le plus iuste, prennent la cause de l'innocent, tacent cet insolent d'en venir à ces extremitez, & luy mesme est confus lors qu'ayant decouuert l'hypocausse, il voit ce bon Chrestien qui n'auoit plus quasi ny de poux ny de force, & qui estât fort & reuenu à foy n'eut point d'autres paroles pour se vanger de toutes ces iniures, sinon que le regardant d'un œil aussi amy